


李華嚴

昆明志 262

760 1990.323

32





雲南縣志目

郡縣總考

品甸始末

地理志

地圖

沿革

疆域

附里至

山川

城池

風俗

物產

溝洫

橋梁

市肆

勝景

古蹟

建設志

治職

倉儲

獄庫

養濟

驛傳

關巡

哨守

亭鋪

賦役志

戶口

稅糧



均徭

里甲

課程

諸役

兵食志

兵署

兵數

兵制

兵儲

學校志

儒學

附射圃學  
田書院

教法

甲科

鄉舉

二

庠貢

封贈

坊表

碑舉

社學

官師志

名宦

守令

師儒

流寓

人物志

鄉賢

宦業



孝子

義士

節婦

隱逸

武功

朝儀志

鹵簿

表箋

祠祀志

祀典

郡祀

方外志

仙釋

寺觀

祥異



雲南縣志

郡縣總考

雲南縣統大理隸趙州其沿革之迹宜無不同者然或插於永昌或附於雲南此何以稱焉馬端臨考曰禹貢華陽黑水惟梁州自漢川以下昏其封域舜置十二州梁州其一也以西方金剛其氣強故曰梁州周禮合梁於雍即夏殷之間所謂巴賔彭濮之人也秦惠王使司馬錯伐

四

蜀有其地始皇兼天下置郡為漢中漢武帝置十二郡此為益州益州之名自此始也王莽末公孫述據之蜀漢昭烈復其地武侯平西南置四郡晉分益州南境置寧州南北朝因之唐分此為山南西道兼分入京畿隴右道及黔中道唐末為王建孟知祥所據宋祖棄而不郡端臨此論蓋合蜀與滇言之也非雲南縣之專考也又按郡志李元陽考曰周併梁雍亦曰雍州楚





莊躋王滇是為滇楚漢武封天竺王之裔仁果  
為白王土人盛覽從司馬相如授學始開文教  
明帝永平二年柳貌內附置永昌郡分葉榆隸  
之章帝元和二年滇池出神馬四甘露降白鳥  
見乃建學立師三國蜀漢建興二年改益州為  
建寧三年益州渠帥雍闓殺永昌太守附吳武  
侯渡瀘至南中斬雍闓服孟獲四郡皆平以呂  
凱為太守晉武帝分益州置寧州太康中有復

為益州晉既東僭據於李特經畧於苻堅紛錯  
於宋齊梁陳之間迨隋大業中蒙氏興分為六  
詔唐高祖命常仁壽將兵循西洱河貞觀二十  
二年遣將軍梁建方諭威信麟德初隸姚州賜  
皮羅閣為歸義王號大禮國貞元九年冊一牟  
尋為雲南王改國號大理宋王全斌欲乘伐蜀  
之威襲大理太祖以玉斧畫大渡河曰此外非  
吾有也以故三百年遂與中國絕元世祖分兵



進薄大理虜段智興立萬戶府至元間改為大理路明初命沐英傳友德取之始建府州縣雲南遂平元陽此論蓋合全郡言之也亦非雲南縣之專考也按雲南縣始於隋大業中有五色雲見邑在雲之南因名雲南晉常璩華陽國志言建興縣有神鹿一身二頭而角衆列建興即此地也劉宋時屬雲南郡至陳雲南州西北十餘里山楚有石如鏡光可鑑面故又名鏡州此

唐初置雲南郡貞觀中改匡州後張仁果據之號白子國蒙氏為雲南州又改品甸又名雲南賧品澹賧皆唐時稱也至元憲宗時立品甸千戶所至元十一年又改雲南州至明改雲南縣屬大理府趙州轄雲南一驛安南坡你甸楚場三巡檢司至永樂年間始建城池設洱海衛立五所衛縣同城軍民襟處編戶一十五里於天順年撥賓川州三里僅存十二里順治十六年



大清定鼎仍明舊制後洱海衛奉裁屯糧人丁附  
縣徵解苟撫字得人亦萬世之一時也

品甸始末

即雲南縣

雲南之名何始乎按元郭松年大理行記曰鎮  
南面西有雌嶺出行七十里有甸焉川原坦曩  
山勢回合周二百餘里爲雲南州張樂進求時  
州北龍興五色雲起久而不散州居雲之南此  
其始乎考其時在隋大業中也梁睿疏畧曰近

七

代分置興古雲南建寧朱提四郡雲南縣爲寧  
州廣川跋曰雲南有神鹿一身二頭而角衆列  
明帝永平十二年割益州郡西部六縣爲永昌  
郡載本紀雲南第六縣也建興二年改益州郡  
爲建寧郡又分建寧之地改置雲南郡郡今品甸地也  
以呂凱爲太守未仕被害永昌隸之武帝元封  
初益州郡二十四縣第十六則雲南也雲南縣  
名自漢來有矣玄宗天寶九年雲南太守張虔



陀遙虐南詔閣羅鳳忿怒取州三十二南詔傳  
本紀曰雲南蠻陷雲南郡故事南詔嘗謁都督  
過雲南張虔陀虐之曰雲南蠻謂閣羅鳳也曰  
過雲南曰陷雲南郡則指滇也按列傳元世祖  
中統十三年授信苴曰大理等處宣撫使十八  
年以信苴爲宣撫使都元帥尋拜雲南路行中  
書省叅知政事大理行記曰雲南州西北十餘  
里山麓間有石如鏡光可鑑面因名鏡州西行

八

三十里至品甸及唐始置坡州名青子川甸中  
有青湖唐太宗貞觀二十一年以勅勒諸部爲  
州府其酋長爲都督刺史然則品甸之坡州其  
全割青子川而爲之耶

青子川青湖  
即青海子也

唐懿宗咸

通五年蒙氏遣使至品甸唐初南詔以賧爲州

曰雲南賧曰品澹賧

甸即品  
也

品甸在今縣治東北

唐置勃弄匡州縣貞觀改匡州張仁果據之號  
曰白子國蒙氏爲雲南州又改品甸明初改爲




雲南縣此其始末也

地理志


地圖

蓋自禹鼎沉而圖籍起周禮職方氏掌天下之圖以掌天下之地周知其利害大司空亦掌之則信乎圖之不可已也雲南縣地圖郡志已有之然槩而未詳觀者畧焉茲特肖像其山川疆域以為圖焉繪載如左

九







疆域

書曰申畫郊圻慎固封守以康四海夫郊圻封  
 守自若也申畫之善慎固之宜若濶於事情者  
 然語其効至於康四海則疆域之不可不明也  
 審矣王畿且然况在綏服之外者乎其莫能易  
 也縣當楚姚賈趙之衝尤不可不計者

雲南縣

在郡治東南  
 一百六十里

東二百里至

井白監

南九十里至

界普湘

西六



十里至定西嶺北八十里至賓州界

### 山川

周禮職方氏載九洲之治各表其山川是時梁合於雍其記云正西曰雍州其山鎮曰嶽山其澤藪曰弦蒲其川涇汭其浸渭洛東不及岷劔南不及金碧西不及蒼洱蓋舉其大者言之也縣統於大理隸於趙州而暇表其山川哉然志一縣之事必表一縣之勝

龍興和山在縣西二里寶泉山在縣西北二十里

九峯相並望之簇如青蓮石穴崆峒盤折而升上有寺登玩令人有挾風生翼之想真奇觀也

梁王山在縣二十五里南華山在

南四十里又名天花山有石洞古祠址嘉靖間里人葺祠掘得雷斧一大如扇水目山在縣南二十五里

天馬山在縣東南二十里東山在縣東十里

居民祀之青龍海在縣東南十里望水頭出



如皆具宛周官步海又在縣東北舍五里

### 青華洞天

在縣治南八里有洞濶十丈深邃莫窮懸岩滴乳愈深愈奇上有石

竅九層漏光名曰天窗嵌空支分人入則康糠其志以返有名賢詩文載青華

洞景龍洞在縣東五十五里疊嶂層巒下涵臨浸匪直灌溉亦稱奇觀

### 蓮花渠

在縣治東和甸廣二十里中有一島島上有庵溪溝在縣西

出寶泉山下入定邊縣夾溪十里花卉繁茂又名萬花窰邑人四時遊焉

### 龍池

一名青湖在縣治西南一里其深不測永樂七年黃河清此水

亦清至石花洞人在珍珠泉峯頂傳有今不濁

及出成石質葉鏡湖在縣南三十里珍珠泉

在縣西南十五里湧溫泉有三一在泉如噴珠雖旱不竭

黃鏡場一在雲南驛

### 城池

雲南縣原附治洱海衛兵憲公署在焉其城廓

大而濠塹深險固嚴而容蓄眾借以域民亦軍

民之蕪利也今衛裁屬縣故畧之

### 風俗



雲南縣原隄平行土田多荒縣民與衛軍錯居  
 舊習尚浮詐喜訟地在要衝供億數至窘匱近  
 來駐鎮營兵廬舍損半住民鮮少市井寥落招  
 徠復業又在當事加意焉

物產

物產皆土之毛也顧譜牒鮮實反為民災盧橘  
 摘謬於左所葺醬染情於漢武職此之由也此  
 志悉按地之所有者而綜之靡一不實夫載實

則不取多寡斯民尚有利哉若夫段成式之於  
 廣動植唐蒙之博物論乃謂朱提以南無鳩鵲  
 鶴拓之墟無文竹則非今日之所知矣

穀類

紅麻線  
 大麥谷

大黑嘴  
 紅白小黍

白鼠芽  
 麥蘆粟

大香谷  
 灰條稷

禿麥  
 鴨爪桿

茶豆  
 茶褐豆

羊眼豆  
 羊角豆

鴨眼豆

菜類

蓮花菜  
 年菜

甜菜  
 綠石花菜

紫石花菜  
 陽和菜

虎舌菜  
 苦瓜

鷄櫻  
 紅芋

菜瓜

藥類

龍胆草  
 白芨

石斛  
 菴

獨活  
 升麻

骨碎補  
 五味子



仙茅	葫蘆巴	海金沙	甘草	連翹	山茨菰	食類	麵	櫃	物類	毛紅布	黃丹	果類	金銀花	無花果	溝洫
遠志	蓬朮	龍骨	白芥子	何首烏	金銀花	棗	餅	黃燒餅	鉛粉	皂虎皮靴	紅黏條	粟子	菓子	瓢子	
谷精草	常山	五加皮	土人參	薄荷	密陀僧	櫻	梨	米	荻	荻	荻	櫻	梨	桃	
蘆薈	青木香	澤蘭	川芎												

周禮遂人言溝洫之制詳矣大率十遂而通一

溝十溝而通一洫十洫而通一澮十澮而通大  
 川凡水溢則可以洩害旱乾則可以潴利而已  
 縣之名川已載於山川志然溝渠塘堰之利尤  
 民之所最急者故復表而出之以俟後之為鄭  
 白者夫天時之乾溢不常而地利之潴瀉有節  
 農人之所時恃以無恐者其在此歟鄭白不恆於  
 天下則溝洫不可不志也

品甸灣陂蓄在於縣東北十里舊制以引寶泉山水



久溝道湮塞於嘉靖二十二年間兵備李公希文開通後於萬歷二十二年間兵備李公先著設五孔橋以通水道至今利賴其所灌溉村屯各有定例載在石碑

周官步陂

北在縣

寶泉堤

在縣北二里積水禦旱景泰間兵憲周

公鑑叅政趙公雍重修有年大學士彭時碑記後又壅塞於崇禎年間有兵

憲何公閩中修葺鑿石開攢至今軍民有賴

團山堤

北在縣

青黑底

在縣東和甸

蓮花曲堰

塘

東在縣

七百莊堤

在縣南小城市堤在

黑箐尾堤

東在縣

小波畝村堤

在縣西南

青龍堤

南在縣

段家堤

在縣白塔村去縣治二十里東接鏡湖係段思

平所新興堤又在南山下去城七十里築也

雲南驛前荒田

今改田在縣東南平壤為千頃而缺水利

### 橋梁

子產以乘輿濟人於溱洧夫豈不惠而孟子譏之且謂十一月徒杠成十二月輿梁成民未病涉也由此言之橋梁故治理之不可無者今縣之中溪礮潦溢不杠不梁行旅奚賴焉故作橋梁



倚江橋

在治西

赤水橋

在治東南

孔泉橋

在治

東二百里古義民孔泉建今改名孔仙橋

大板橋

在治東南昔為指揮賴鎮所造年久在已傾今於辛亥年趙爭先昌先募建造為石橋

### 市肆

易稱日中為市書載貿遷有無禮周太宰阜財之時與農穀並任司徒通財之事與稼穡同頌誠以足食通貨而後教化可成也本縣山澤之

利甚煩趨市者揮汗可以成雨寧無出入不物者乎古者制商以市屢以稽其不物此守長之所宜務歟

縣寅市

在西門外武場

申市

在南門外

雲南驛

在驛卯市亥未二市

在白馬廟前

胭脂坵市

寅午戌日

大波那市

巳酉五日

棕朋市

申子辰日

和甸市

亥卯未日

你甸市

寅午戌日

### 勝蹟

史稱登高能賦可以為大夫尚通才也不有務



景勝情曷寓焉志勝景

縣八景

青華洞天

曰在縣治西南五里侍卿劉翔詩

心竒澄參差無畫靈機縹緲難尋  
石乳倒懸蒼蘇谷神迭應空晉對

客清談竟日白  
雲滿照塵襟

九頂雲峯

寺在縣治西二十里升庵有詩曰

沈雲暗流丹染兩寒因阿鑿環牖  
依石構攢桓雙樹蟬棲隱一花人

折難陰霞人半沒晚雷試橫看  
攸對登高賦仙毫點碧瀾

十七

萬花溪口

詩曰天開圖畫洱西橋風物豪華  
不易消一派水雲鋪白練兩歧春

樹剪紅銷直將金谷尋常看都作瑤  
池樣子描最是太平清世界翠微深

處對  
笙簫

智光鐘韻

詩曰上方鐘曉動江城驚破西堂  
草夢生貝葉響中翻玉板曇花獻

處落金英盡門瓊寶三千界都聽滿  
牢百八聲莫怪豐山鐘絕響也須霜

降應  
時鳴

碧池秋色

詩曰大谷西催涼滿殿寒潭碾  
碎碧琉璃懸岩閣雨花含露明

水吞天月落池霞鶩黑成滕王閣  
尊鱸勾天動李膺思獨棲丹鳳梧枝



老絕勝高岡一畝奇

### 青海月痕

詩曰萬綠參差拂柳塘  
嫦娥靜夜影波光香浮淺  
淡蓮花白露

滴淋漓桂子黃弄罷謫仙歌  
采石招來妃子舞霓裳  
恍疑龍抱明珠

卧雷雨乘時沛八荒

### 金龍瀉潤

詩曰天矯盤龍卧碧岑  
橫地鱗甲滿坡金清泉  
漱玉風生響紫

霧噴香晝結陰澤物漫誇  
姑射露濟時好作傳岩林  
山僧祝鉢乘風

去雲鎖珠簾片月沈

### 神馬留踪

詩曰大宛龍駒奪化胎  
行空偶下九天來馳回南  
詔紅塵靜踏

八

過高岡白石開武帝他年歌  
渥水穆王何處晏瑤臺天留  
遺跡知神物定應人間伯樂才

### 古蹟

昔人志石鼓作古圖幽踪秘跡無微不錄豈顧  
為是冥搜哉誠為後世稽覈計至深遠也趙與  
雲舊為南詔之賧川劉漢之經畧李唐之戰爭  
趙宋之棄置大明之創造以迄今茲豈無山靈  
水異鬼工人巧之足以發奇潛資多識者哉後



有張茂先當有以為之先鞭者矣

古鏡州城在治西南唐置廢城在城東南唐置勃弄匡州

今大波那力士營在治南九里武

地符石在縣南十五里石上龍馬蹤在治南十五里

有赤篆人莫能識近青海之西畔石上有三踪人足二

馬蹄二杖足二世傳仙人神化之地

### 建設志

國家稽古建官陳殷置輔無論九卿為極於民

十九

即一邑之令亦民之極也是故有治職之掌焉

有倉儲之備焉有庫獄之守焉有養濟之恩焉

驛傳以通行旅關巡以稽不物哨守以防盜賊

亭舖以宣湮滯八者缺一不可以為政嗚呼俗

吏缺而不講非通幽達權之君子究心於當世

之務者孰能旁燭而兼舉之歟

### 治職

雲南縣建於洪武十七年舊在城入川城嘉靖二



丙戌年傾圮前改舊布政司衙署於康熙三十二年知縣李維邦詳明兩院將兵道公署改為縣治正廳五楹後廳五楹左翼房為庫右翼房為退私堂後為知縣衙前設大

典史解在縣治西僧會司在縣治西道會寺在

聖宮在縣治東雲南驛在縣治東安南坡巡檢司

在縣治東你甸巡檢司在縣治東楚場

巡檢司在縣東北

雲南縣知縣一人土縣丞一人土主簿一人流典史一人

所屬儒學訓導一人雲南驛驛丞奉安南坡

巡檢一人你甸巡檢一人楚場巡檢一人僧

道會司各一本縣六房吏人十二儒學

吏一人雲南縣三巡檢吏奉

### 公署

察院行臺地傾按察分司地傾金滄道分司地傾洱

海道分司地傾布政司改為兵備道公

署於康熙三十二年改為洱海衛地傾



倉儲

泰安倉

廢久

社會倉

廢久

備倉

廢久

庫獄

庫

在堂左

獄

立於西廊

養濟

養濟院

在縣治西久傾

提督軍門桑五捐銀修建平房五間

驛傳

雲南驛

今裁

關巡

安南坡巡檢司

官吏見見職

你旬巡檢司

同上

楚場巡檢司

同上

哨守

溫水塘哨

在縣治東里雙橋哨一在縣治東北角

人投關哨

在縣治東外居苴哨在縣

北一百五里土哨

在縣東南水盆哨



南在縣治東  
八十里

青水溝哨

在縣治東南  
六十五里

青石灣哨

在縣東南  
二十里

矣江哨

在縣治西

松子哨

在縣治西北

金鷄廟

哨

在縣治東  
八十五里

亭鋪

亭

無

縣前鋪

波吠鋪

青海鋪

沫滂鋪

葉鏡鋪

水盆鋪

三

安南通姚

矣江鋪

州西通趙

梁王山鋪

北通

賓川  
州界

賦役志

戶口

雲南縣

戶口軍男四百二十六丁婦三百八十一口  
民男一千八百三十四丁婦一千二百九口

官民田地

原額五百九十六頃五十分  
今荒熟不一

稅糧

雲南縣

夏稅一千五百六十二石  
三斗六升三合六勺二石



附徵洱海衛 夏稅 斗式升三百四十八石七

雲南縣 秋糧 六斗七升五合三勺一抄

附徵洱海衛 秋糧 三石七斗九升七合十

均徭

祭祀銀 二十兩 花班竹銀 奉 柴薪夫馬銀 柴薪

裁馬草料 本縣並協濟站銀 奉 舉貢

賓興盤費銀 奉 齋膳夫銀 三兩 歷日

紙劄銀 奉

三

查盤刷卷科場取用紙劄銀 本縣 十二鄉飲

鞭春酒席銀 四兩 倉庫斗禁銀 四兩 書

手陰陽生銀 奉 門皂銀 八兩 舖兵銀

三百二十兩 醫生銀 奉

雲南縣人丁銀 二千七百八十七兩五錢 不等實徵

附徵洱海衛人丁實徵銀 九百五十七兩五錢 不等

錢六分

五年一徭銀差 每年一編 遞年一編 每編一千里二百五十輪



七兩一毫分力差編如銀差例實編銀

附徵洱海衛歸縣

里甲應支款目

歲考生童合用銀奉裁舊舉人會試銀奉裁新中

舉人合用銀奉裁上司巡劄及各府官

往來應用門皂工食帽帶等項銀奉裁

院道按臨廩糧油燭中火考試紙劄行香講

書封筒等項銀奉裁院道巡歷傘蓋什

二四

物油燭書手工食等項銀奉裁

濶滄兵備並本府縣正佐新任各用鋪陳傘

蓋什物祭門等項銀奉裁

供應並門子工食等項銀奉裁

上司並委官按臨起駐公差銀奉裁習儀拜牌

行香祈禱該縣公座卯簿銀奉裁年終

香紙桃符銀奉裁本府縣應

朝盤費銀奉裁預備取用卷箱白牌鎖鑰銀奉裁本



縣造審錄冊及日行紙劄支銷工食  
照堂油燭等項銀奉裁本縣附廓無驛  
應辦鋪陳銀奉裁聽差募夫工食銀奉裁  
備候院道巡歷下程廩糧等項銀奉裁預備公

費銀奉裁

額編十三里在城里七百莊里小城里 新生里 和甸頭里

大波那里 你甸里 站村里 永定里  
果城里 魯和里 品甸里

每里十甲舊役凡當徭甲者里長一甲首群聚  
縣中不惟妨農業而費十準一知縣朱

應在申明  
徵銀僱募

里甲公費銀九百九兩一錢九分六厘  
九毫內加募夫銀四兩奉裁

課程

雲南縣舊額商稅銀七十七兩一錢遇閏加

銀六兩四錢二分五厘

諸役

成周設法大抵皆為民而設比閭民旌黨是鄉之  
役在民府史胥徒是官之役在名伍兩卒旅是



兵之役在民菟苗獮狩是田之役在民在鄉之役也常在官之役也又在田之役也簡在兵之役也踈雲洱之間役法踈濶雖與井田異制而為民之意則同故並時而徵則妨農業兼事而作則耗民力為父母者何以甦之用其一緩其二是節愛君子

### 驛傳

雲南縣 附郭無驛每年在徭中編馬二十四匹夫二十四名

### 雲南驛

館夫二名照舊着役馬頭二千一百八  
站戶一百七十一名其二千一百八  
丁除馬頭并站丁外實認站錢二千  
二十五丁該繩一十四萬二千三百  
四十索拆銀一千六百九十四兩五  
錢並雲南縣編館夫茶果銀三十兩  
每年編庫子一名銀  
四兩俱在本縣收支

### 關巡

你甸巡檢司二名兵三十名楚瑒巡檢司三名兵九

安南坡巡檢司五名兵三十名

### 哨守



溫水塘哨無糧近八名雙橋哨無糧三人投關哨

食糧三名外居苴哨食糧二名五色土哨

食糧七名水盆鋪哨食糧十六名金鷄廟哨無糧

名七青水溝哨無糧六名青石灣哨無糧十六名

名矣江鋪無糧五名十松子哨無糧五名十

### 亭鋪

縣前鋪司兵十一名波吠鋪司兵十二名月鏡鋪司兵二名十矣

江鋪司兵二名十梁王山鋪司兵八名徭編本

名州四沫滂鋪司兵二名十水盆鋪司兵二名十

### 兵食志

### 兵制

有兵而無制是無兵也兵制其可緩乎故因衙  
兵之制節其制布其陣較其藝程其力而為之  
賞罰匪惟使之有勇且可通之知方

雲南縣兵制衛屬

雲南縣兵數衛屬



雲南縣演武場衛之場也縣

雲南縣兵儲坐洱海屯倉

雲南縣川屯倉米

近城倉米

近城倉麥貯以上三倉稅糧俱

### 學校志

成周選舉必出於學校蓋以學校為造士根本師道立而後善人多也以崇之以四術立之以

六

四教淑之於平時興之於異日考之於每歲比之於三年由是而歌鹿鳴於鄉由是而聽

天子之臚以成其德業孰非自學校中造就之哉

大清學校選舉準法於周大抵相為損益自縣言

之漢章帝獲神鹿彩雲之瑞而學校始建由歷

代以來禮陶樂淑浸漬汪濊而人材始茂明之

科甲自楊翊周臣而開以壬午科李文治止

大清科甲相繼相仍又寧有艾歟



儒學

洪武十七年

南建在

成化己丑年御史郭瑞修

日畧

雲南縣儒學

肇置於洪武乙丑垂百年於茲歲久且敝成化己丑巡按雲南

監察御史文江郭公瑞雲南按察司僉事華陽曹公景鳩工掄材命指揮

吳鑑專董其役衛九邑各以夫役三相之經始於是年之秋

兩廡宇十四區逾年落成學之校諭吉區廨宇十四區逾年落成學之校諭吉

郡王建因以請予承乏提學義不可辭為記其歲月云

啓聖祠

三間

至聖殿

三間兩廡十四間 戟門 五間 左名宦祠 三間 右

鄉賢祠 三間 寢室 二間 省牲所 三間

射圃 廢 天衢雲路 兩坊廢

洪治壬子年僉事周鳴岐遷於洱海衛左

明倫堂

三楹在文廟左博文齋 五間 右博文

齋 五間 聚魁閣 三間 尊經閣 三間 閣

左右翼室 二間 廢 門 二間 號舍 十六間 廢

堂前二門 三間 廢 大門 三間 廢 左右興賢



育才坊廢久文明坊將傾已文廟石坊

將傾已朱夫子閣廢文昌閣廢魁星

閣重建啓聖祠 至聖殿 兩廡 明

倫堂 文明坊 逐一於康熙四十年知縣王書捐資重修

撫院石學院王撰有碑文立石

學田 副使任堂置喬甸川學田告歸賓川州

副使湯沛於萬曆四年捐銀七十五兩置田四十五畝計租三十石除完糧外止剩租四石兵道馬鳴鑿置田二十五畝納租銀四兩八錢田坐

落棕朋其銀歸縣收存給科舉學員盤費原任知縣常道立置朱家營學

田一分年納租米七石五斗前項學田共納雲南縣稅糧三石三斗係學

內收租納糧

九峯書院 今在縣二里許文峰人在縣南山巔邑

在焉

### 教法

兵憲馬公教約 每朔望會課

### 甲科



正德丁丑科

周臣庚午鄉試丁丑會試登舒芬  
榜歷官知縣國子監學錄

萬曆庚辰科

史旌賢丙子鄉試庚辰會試登  
張懋修榜歷官叅政

蒙鑑景泰年間勅封進士

康熙庚戌科

楊燦癸卯鄉試庚戌會試登  
宮夢仁榜歷官知縣

鄉科

永樂辛卯科

楊翊

甲午科

楊敏

庚子科

楊賢

宣德己酉科

完玉



景泰庚午科

黃逸 知縣

癸酉科

樂清 訓導

丙子科

夏聰 翰林院檢討

天順己卯科

蒙鑑 景泰癸未科  
勅封賜進士

成化甲午科

羅文

丁酉科

孫綸 知縣

癸卯科

林高

弘治壬子科

王鼎 訓導

雷中



乙卯科

黃紳逸知縣子

李素御史僉事

辛酉科

李希顏教諭

甲子科

趙卿知縣

正德庚午科

周臣見甲志

嘉靖壬午科

趙儒知縣

楊洲鶴武舉中丙戌會魁  
歷官永騰參將

戊子科

陳世麒

劉承穆武舉

辛卯科

陳宗儒知縣

甲午科

李登

常憲知縣



丁酉科

黨宗正 經魁

耿介

癸卯科

熊元吉 甲辰乙榜  
潯水縣教

己酉科

張伯和 榮昌縣令

程介

乙卯科

朱蒂

辛酉科

李天箕

甲子科

常乾亨 乾 知縣

段文魁 推官

萬曆丙子科

史賢 見甲科志

戊子科

朱啓賢



辛卯科

呂克昇

姬文葉 知州

甲午科

李友梅 官亞元歷  
運使

周懋桂

湯立仁

丁酉科

張文煥

巳酉科

湯得師 知縣

壬子科

雷徵一 知州

王揚 武舉官  
贊畫

乙卯科

晉御黼 知州

王弘緒 武舉中三職  
襲指揮祖

戊午科

孔學書 知縣

錢克國 武舉

天啓辛酉科



熊潤  
知縣元孫

殷序  
知州

丁卯科

王文林  
府同

崇禎庚午科

孫啓祚  
知縣

丙子科

孔彰  
知縣

巳卯科

劉愈雋  
知縣

壬午科

李文治

薛芳美

丁酉科

李秉俊

康熙癸卯科

楊燦  
見甲志

壬子科



王心和 武舉

甲子科

歐陽方曜

癸酉科

楊愷

雷偉

壬午科

呂振雅

雷僖

乙酉科

張以仁

雷升

癸巳科

朱奎郎

楊知默

李紹白

甲午科

李澄

戎大靖

楊寶

副榜

庠貢

前誌失  
攷自

洪武至永樂

三十八  
人止

張海

徐

杲

通判  
鄉賢



陳佑  
經歷

劉慶  
主簿

段文  
縣丞

金鑑  
教授

周拯

邵璽

李節  
訓導

喬木  
訓導

寧容

王廉

石盤

王道

喬嶽

許經

徐昱  
訓導

張瑞

魏傑  
教授

羅義  
縣丞

王昱  
主簿

許昱  
州判

陳謨  
縣丞

張明

史達

朱璽  
訓導

范實  
訓導

江漢

張洪

王俊

駱顥

曹緯

張昂

楊希



湯霖

羅緯 訓導

趙成良 訓導

馬紳

喬宗仁

傅導

湯憲

黨宗正 戊子經元

田世祿 訓導

嘉靖

張恕

寧賢

劉鳶

史大經 學正鄉賢

孫天爵

田徹

黨恂 訓導

許仁 訓導

黃廷儀

李亮

傅訓

陳情表

陳寶 訓導

李發 選貢

陳賢

廿九

謝表

黃甲

王宗文

錢高

雷九川

夏臣 教授



程九霄

楊介

趙邦憲

趙應期

楊廷玉

鍾祥 教諭

隆慶

傅質

黃沛

張正蒙

楊朝棟

雷鼓元 訓導

萬曆

常履亨 恩選

張廷勅

薛大業

俞昌言 教授

許應魁 訓導

常復亨 知縣

張暉

黃開禮 訓導

夏邦

趙鳳 教諭

熊俊臣 教諭 鄉賢

鄒師孔 本庠 訓導

周嗣登

王文蔚

楊瓊

張思達 知縣



熊經府同

楊昇

孫寰教授

劉靖坤 貢元

劉鳶

耿悅

丁晟學

張翼教授

單緝熙

李春秀

孔文振

秦昌

史讚恩選

天啟

張授孔恩選

史講

楊漳訓導

楊恪教授

張軋銘

崇禎

楊昆 恩巽縣丞鄉賢

徐華學正

楊維坦

張宗孔

楊涇

張正陽 拔貢



張信

張似

楊獻賦

段彩

王穆

史舜庸

恩選  
知縣

羅英

副拔  
知縣

蔡應科

楊春芳

張暄  
副拔

鄭重  
副拔

陳繹

康熙

李蘊玉

匡允中

俞賡明

王夢弼

楊銘彛

李應泰

熊一程

歐陽琮

楊谷雲

張炅楚

張以忠

羅凱

張能恭

張襄

錢萬璋

雷四知



張即鵬

汪涵

熊文岸

張養浩

王綏來

勅贈御史李素

父并母暨妻在正德年

誥贈學正史大經

并妻何氏以子叅政史旌賢

誥贈叅政史旌賢

并妻張氏在萬曆年

誥贈文林郎熊彥臣

并妻孫氏以子熊經靈川

誥贈文林郎熊涇

并妻雷氏以知靈川恩贈在

誥贈奉政大夫李希顏

妻王氏以子李友梅知

年啟

誥贈奉政大夫李友梅

并妻張氏以任太平府

誥贈奉直大夫雷仁

并妻許氏以子雷徵一知

誥贈奉直大夫雷徵一

并妻鍾氏以知鎮寧州

誥贈文林郎姬仁

并妻王氏以子姬文葉知應

誥贈文林郎姬文葉

并妻楊氏以子知睢州贈



坊表

解愠阜財坊

鎮海坊 將圮

阜安坊 將圮

中外風紀坊 為參政史

西臺丰采坊 為御史史

鵬翮高騫坊 為知州

榮褒金節坊 為都轉運

東壁人文坊 為知州

社學

社學 有七俱

義學

義學 在 原任兵道何閣中衙舍於康熙二十

七年間子弟後為營官借住康熙二十

道批府斷還立學又將何兵道原置

南豐垸田一段原糧一石三斗後增

五石共以糧六石三斗年租八十石捐

為義田以贍師生有紳士鄉耆公議



將租八十石存縣完糧以免後累有劉  
其三十石存縣完糧以免後累有劉  
知縣全租送入學內糧係代完二十  
八年本府同知姚亦代完糧勒石永  
為定例康熙二十七年  
延師訓迪授徒甚眾

醫學 見存今有醫官一員秦襄  
周存心利濟片劑回春

### 官師志

天生民而作之君使師牧之而君文以其事寄  
之守令師儒則官師者蓋代天子以師牧天民  
者也豈徒使之飲濃鮮華軒繡以肆然於民上

哉養道何如而遂教道何如而興是不可以不  
盡心焉不如是曠療之刺可立而叢矣用是記  
名宦表守令譜師儒附以流寓作官師志為後  
昭鑒戒紀遺忘云

### 名宦

何武所居無赫赫名去後常見思君子曰可以  
觀惠矣仁人長者之政其紀綱節目與俗吏奚  
異然而有文有情文者飾以耳目故民胥悅之



而久之疑情者出於愷悌故民胥忘之而久之  
思思與疑其相去遠矣詩云有斐君子民之不  
可諼兮吁豈易言哉

知縣

宋

簡

洪武年間任以廉能稱改建儒學於  
正統年間入祀名宦

陳

輔

弘治年間任有惠政於嘉靖年間入  
祀名宦亦增修學宮入祀名宦

劉延齡

萬曆年間任以清廉稱於崇禎年間  
二子官至保傅入祀名宦

兵備道

朱

奎

弘治年間任萬曆  
年間入祀名宦

李先着

萬曆初年任修學建堤大有功績萬  
曆末年入祀名宦

姜

龍

嘉靖年間任萬曆  
年間入祀名宦

馬鳴鑾

萬曆中年任建書院置學田著有功  
績於崇禎年間入祀名宦

何閔中

崇禎年間任因流寓洱海城禦災捍  
患大有功績咸崇祀之

守令表

今之縣令古子男爵也夫以一命之士領諸侯  
之秩子天王之民非廉其曷以哉周禮小宰以



六計弊群吏之治一則曰廉二則曰廉六計者  
吏治之所從出也而皆以廉為本蓋廉者有天  
理而無人欲也六者非廉不能漢人取士曰興  
廉察官曰廉察良有此意雲之令自建設以來  
其臨蒞者何限迺其巍然為人所仰羨者幾何  
人哉大抵其衰然而可述者足於廉者也其混  
然而無稱者不足於廉者也廉之足不足而勸  
戒昭焉故表之以示將來使歷指其名而議之

曰某也廉某也否某人為勸某也為戒嗚呼可  
懼也夫

洪武年間始設縣治

知縣

宋

簡

至崇禎  
癸未年

唐登第

合計知縣  
七十三員至

大清定鼎

知縣

韓

灝

四川人由選貢  
順治十七年任



何良佐 廣東人由監生  
康熙元年署

秦龍起 江西人由監生  
康熙三年任

王請度 山東人由監生  
康熙五年任

涂芳昇 江西人由進士  
康熙八年任

刀應聘 奉天府人由監生  
康熙二十年任

王建極 奉天府人由監生  
康熙二十一年署

佟鸚彩 奉天府人由本府同知  
康熙二十二年署

黎日昇 廣東人由進士  
康熙二十三年任

顏紹徽 山東人由趙州州同  
康熙二十五年署

劉國璽 遼東人由監生  
康熙二十六年任

姚際離 南直人由本府同知  
康熙二十八年署

李維邦 霸州人由拔貢  
康熙二十八年任

金應璧 遼東人由鶴府通判  
康熙三十三年任

王書 鑲黃旗人由監生  
康熙三十四年三月二十一日任

鮑紘 雲南府同知  
康熙四十三年署

于之輻 四川人由庚辰進士  
康熙四十二年十一月初十日任



朱榮祖 福建人由永昌府通判於康熙四十五年署

潘晉齡 福建人由舉人於康熙四十六年任

金世道 北直人正黃旗由監於康熙四十七年十月二十一日任

張倫至 福建人由歲貢任南安州於康熙五十二年署

郭兆坦 山東人由進士於康熙五十三年任

靳治邠 鎮黃旗人由大理府通判於康熙五十四年八月初一日署

伍青蓮 廣東惠州府興寧縣人由已卯年舉人揀選知縣於康熙五十五年

三月二十六日任

### 師儒表

古今以經術教於郡國者多矣獨胡安定著名

於湖蘇教何容易哉是淑人者之偉表也嘗稽

師儒舊表自洪武迄今班班可考其馨姐豆垂

竹帛者不為無人也儻所謂安定之流亞非耶

後來繼今者尤以安定望之也噫師者士之表

也表之弊端影何由直擬諸効始所謂擔竿而

定其末者歟



訓導明宣德時始設

趙

印至崇禎癸未年

張所知合計訓導至六十四員

# 大清定鼎

## 訓導

董大成

順治十七年任 嶧縣人 由歲貢

劉國禎

康熙五年任 奉天府人 由歲貢

王談際

康熙九年任 安寧州人 由歲貢

何呈瑞

康熙二十一年任 曲靖府人 由生員

李昂

康熙二十二年任 武定府人 由歲貢

全五倫

康熙二十七年任 廣西府人 由歲貢

彭觀祖

康熙三十二年任 澂江府人 由歲貢

李光賁

康熙四十二年任 呈貢縣人 由副榜

楊邦藝

康熙四十六年十一月二十六日任 雲南府昆明縣人 由歲貢

簡重

康熙五十三年四月奉部文就任教 雲南府人 由舉人

## 考職吏員

陳

鼎候選經歷 錢明候選經歷 錢席珍候選巡檢



王楫侯選陳友諒侯選龐之俊侯選

### 流寓

豪傑之士不幸而蕩寄於異域乃其所寄之山川因之而增勝夫羈鳥舊林池魚故淵彼獨無鄉土之思哉勢不得而遂也仲宣登樓之賦子荆零雨之悲其此類夫

謝廷蒞

四川富順人嘉靖間以吏科給事中言事謫縣尉以風節稱

王勝

江西吉水縣人天順間任大理府同知廉介無索不能旋歸入縣籍

常道立

貴州普安人由舉人於天啟辛酉年任雲南縣甲子年陞大理府同知流

卒於縣內

何閔中

湖廣黃州人由壬戌進士任瀾滄兵備道禦災早患大有功德因庚辰以

後中原多事遂寓縣後卒邑人佩德公舉入祠祀之於康熙二年鄉人楊

兆傑任本府刑廳扶柩以歸

### 人物志

天精地彩毓降於人攄粹發竒藻芥宇域故傳說感列星之華宣父應尼山之禱此理之常不



可誣者雲邑山水清竒曾有雄渾雅麗之姿慷  
慨特達之器是以彈冠而出仕則翊贊勲華掛  
冠而里居則振勵風節昔人謂地靈人傑今則  
曰人傑而益以地靈也志人物

### 鄉賢

記稱鄉先生沒而可祭於社者謂其不愧於所  
生之地也夫士以偉然七尺軀生於鄉齒於鄉  
譽於鄉舉於鄉而不能樹勲庸礪名節以為鄉

里望豈不貽羞於先廬哉祀死者於前所以風  
生者於後也嗚呼輿論之不諧推擬之不公依  
阿比周以臨姐姐豆先進有靈亦將吐黍稷於廟  
廉之側矣

徐

杲

由歲貢任四川重慶府通判革年例  
勤催科考功列名第二後任荊州府  
督運致任歸家安  
貧守靜已入祀

周

臣

由進士任公安知縣寬政不擾直道  
難容奏改常德府教尋調國子學錄  
致仕居家著春秋取義  
及易聖傳等書已入祀



李索 由舉人任射洪縣令擢湖廣巡按累官江西僉憲有南崖奏議春秋心訣

行於世萬曆年間入祀

常憲 由舉人任浙江清豐教諭辟陞璧山知縣丁繼母憂遂不起復所著有禮

記合解古今事畧彙稿續稿卒於萬曆初年己入祀

史大經 由歲貢任四川邛州學政嘉惠後學善為引導於萬曆十年入祀

史旌賢 由進士初任內江知縣有能聲擢陞貴州道監察御史待經筵歷七省中

憲以參政政事著有維風編寧澹軒草里居摘範西臺奏議等書行於世

己入祀

熊俊臣 由歲貢任江西瑞州府訓導陞羅次縣教諭生平正直教有方科甲多

出其徒前祀端州名宦今於崇禎庚辰年入祀

楊如楨 由土官知縣博洽能文治績累著建學維風庠序公舉於萬曆癸丑年入祀

姬文業 由舉人初任湖廣應山令陞河南雅州知州少以孝行聞官以賢能著歸

里二十八年耿介不阿於崇禎己卯年入祀

楊昆 由選貢任福建龍溪縣縣丞陞鎮東衛經歷生平孝友教化鄉俗周貧焚

券主詳書院社會居官廉明化巨盜嚴海艘貢餉機防連年公堂齋署三

產紫芝有建言回籍相公王志道製文全官紳士民繡帳紀績三致政竟



歸會社教子捐資養濟通濟橋橋有  
孫燦殿試康熙庚戌進士於康熙一  
十四年公  
詳昆入祀

### 宦業

河嶽雖靈而不能澤四方限於其域也故必鍾  
靈於人以宣猷布惠於宇內而後河嶽之靈徧  
天下及後世矣此宦業之所以有光於山川也  
嘗考雲邑之宦而有聲者得若而人

孫 綸 由舉人任四川簡縣令平易近民作  
成士類以所得俸資拯濟貧民行李

惟一琴一价卒於  
官蜀民入祠祀之

夏 聰 由舉人詔入秘書院  
修史遷翰林檢討

常復亨 由歲貢任陝西甘泉縣令為人正直  
不阿神欽民服己入甘泉縣呂官

李友梅 由甲午經元庚戌乙榜授學錄任分  
寧歷官長盧都轉運居官有丰采歸

里清風高節  
人欽仰焉

熊 涇 由歲貢初授雲南府訓擢陞廣西灌  
陽縣調靈川縣陞秦州又陞荊州府

同知署府篆大有功績自幼以孝聞  
官以清廉著歲序百餘人惟公稱最

### 孝子



孝之名不易稱也假令虞舜在今人有稱之曰爾孝之舜將欣然受之乎將必有懷汗而却走者由此言之孝子可當乎哉顧直風告逝悖德肆興匹夫匹婦苟有一念之真切皆足以動天地感鬼神故雖割股廬墓諸不合於中者君子亦節取焉非以為此足以盡孝蓋以仁人望人而激其不能者及偽者為之無懼焉又當律以春秋之法矣

五五

黃

聚

年事申各憲臺給銀米布帛獎之

幼女常畜亨

七歲母病篤女潛入室中割股以啖母竟得活兵憲朱公賢之

廬其廬焉

鄭獻欽

本縣庠生身幼純孝母病割股救之

李

燦

本縣庠生幼以儒孝事親誠篤遇母疾危割股救之即愈事聞學憲道府

優行旌表

楊立鑄

縣民順治十六年內母病將危割股救之病即愈隣里公舉奉學憲道府

加以冠額



余懷德

撫之人年未兩歲父母雙亡祖余國英  
告天割股二次救之祖病即愈事申  
各憲獎勵匾額推孝可尚

王業

衛人於康熙元年父王希孟病重業  
割股救之病即愈事申各憲旌獎匾  
額永錫爾類

張萬翮

縣民自幼失父其母霜居康熙二年  
內母病將危翮割股泣救遂愈事申  
道府獎揚純孝可風

任及第

衛人於順治十八年內母封氏病危  
割股救愈又於康熙四年內母復病  
危第又割股救之即愈事申  
各憲旌獎匾額純孝可嘉

吳鍾

縣民父吳從詩於康熙十二年病篤  
鍾緣血侄從詩立嫡養成病重鍾割  
股救之事聞學憲  
匾額童年知孝

朱佐

縣民康熙七年內母陳氏病篤佐割  
股救之病愈享年七十有九事申道  
府獎揚匾額  
純孝性成

李偉

縣民年方半歲失母八歲失父賴繼  
母楊氏堅守苦節撫偉成人稍長躬  
耕母子相倚為命迄今五十二年朝  
夕敬承定省之儀不衰菽水之供無  
缺避兵入山躬自背負未嘗刻離楊  
氏多疾屢屢多醫侍藥憂勤出於天  
性實蹟昭然歷經李偉五十七歲始  
終如一宗族鄉里俱無間言通學公



舉申詳各憲於康熙二十五年六月初八日奉

旨給銀三十兩起建牌坊

### 節婦

士君子嘗學問知禮義宜有以自守者及其臨事變遇利害不為三品之石即為五秩之松恬而不知耻也婦人女子生於荒賧之中及敢峻其坊壟或死而不悔不其偉歟以碌碌丈夫視之亦可少愧矣雖然吾又惡夫穢行而竊名者也

五七

舒氏

百戶馬名妻年十九喪夫誓死守節奉養舅姑撫子馬紳襲職紳故撫孫龍承繼歷八十年毫無可議儒學具申撫按旌異

鄭氏

幼孀家且貧守節教子鍾詳讀書成名國子生年八十事聞按院行獎

劉氏

縣廩生張課妻罵賊自刎公舉奉文立祠旌表

李氏

衛弁姚時熙妻年二十於丙戌年沙賊入城罵賊墜井而死先憲何公旌表

楊氏

縣民李應和繼妻應和前妻張氏生子李偉張氏身故應和以幼子無撫

聚楊氏彼時年方十四李偉尚在襁褓楊氏憂勤愛育甫及孩提應和物

故楊氏以二十歲之孀婦堅守苦節撫育八歲之前孤迄今楊氏享年七



十一歲夫故守孀五十年有通學  
公舉申詳各憲於康熙二十五年六

旨給銀三十月初八日奉  
兩起建牌坊

### 武功

嘗稽文武並用久安長治之術武固為國之不  
可缺者書稱揆文奮武有以也郡以人物名賢  
為最節孝次之然其間折衝禦武之才足為國  
家靖邊陲息叛亂功垂竹帛郡邑若增而重也  
虎豹在山藜藿不採士民方且賴焉故武功繼

人物而志亦陰陽之大義也

### 土官知縣

楊

奴

雲南縣在城里焚人氏其先始祖楊  
候世守鏡州至太世孫楊貞任劍川  
節度使復守鏡州生子楊奴先為元  
縣尹洪武十六年歸附本朝署土官

縣丞後授以接濟軍  
功實授迪功郎

楊

宗

奴之孫也正統三年隨征麓川功陞  
趙州州判至正統七年陞授本縣知  
縣後因孫楊訓  
被奏降改縣丞

楊如楨

訓弟論之子承襲縣丞萬曆十一年  
調往岳賊以功復本縣知縣於萬曆



年間崇祀鄉賢

楊 淇

如檳子至靖難省城入子生員王蘊承襲節奉按院考察優償五次歷代

傳至楊肇基忠勤守土

土官主簿

張樂進求

係九隆之後即蒙氏裔也土居品甸世為諸部落首長自漢兵征進

雲南樂進求同弟明鏡月率兵引導克復迤西一帶地方武侯功論

嘉獎賜姓為張始稱張樂進求授以品甸守禦土官千戶所之職世

轄裸民歷唐宋至元朝仍襲前職數十傳至

張 興

洪武十年大兵克復大理首先歸州率眾倡義爭先仍授前職因平石頭

硬寨軍功授本縣土官主簿

張 觀

興之子永樂元年因剿賊造冊靖獻功績欽賜勅命官誥實受將仕郎世

襲土官主簿至張大經征進貴州普安苗蠻奮身報國陣亡紀功忠勇欽

頒墓祭歷大論至

張 太 源

觀之五世孫襲土官主簿

張 立

源之子廢襲土舍以征沅江功績給後冠帶管本縣東南二界巡捕事俱

伐有勇功歷十一代至



張忠効 院因剿武定叛賊破賊巢殺獲賊首兩

代傳至張祖廕恪守家法世篤忠貞 歷有賢聲今傳至張祚弘忠貞守土

### 土官巡檢

李希舉 始祖李約麟由洪武十五年克復大

楊天衢 始祖楊波日由洪武二十六年克復

李高 始祖李義由洪武十六年功授你旬

袁登 始祖袁奴由洪武十五年克復雲南

### 洱海衛軍職

賴鎮 洪武十八年從征雲南陞大理衛指

揮同知二十年調洱海衛凡衛所城 廓橋標皆其創置其守備之能訓練

曹政 直隸全淑人洪武十八年調征雲南

陞指揮僉事歷陞都指揮使誥封驃 軍 騎將

張斌 合肥縣人有志畧喜文藝額屯田興

水利正統八年由指揮同知陞都指 揮僉事

張盤 斌之子也 有文風征麓川

孫仲 南城人有武畧喜文事不矜己不棄 人兼古人之能奉詔慰緬甸斬思仁



發於絕域由所  
鎮撫遷指揮事

周興

江西廬陵人由指揮

周佐

興之子征麓川有功陞都指揮僉事

張述

江夏人驍勇善騎射屢立戰功

范宗

直隸全淑人左軍都督范鎮曾子歷征貴州有功由指揮同知陞都指揮僉事

朝儀志

楓宸萬里外而志朝儀者何曰盡臣禮也人臣

事君以忠奚其儀曰

天顏不違咫尺苟一物不省非所以昭敬也朝

儀隨在皆有之而獨志於雲何也曰制物弊矣

人工濫矣新之自今始也革其弊者換其濫矣

亦有司之常胡為乎志之曰物備則易湮守易

則事玩誠懼其湮且玩則不容於不識也撰朝

儀

鹵簿

亭蓋儀從規制悉如州



習儀所在智光寺

### 祠祀志

先王之制先成民而後致力於神然幽有缺於神則其明之所成也可得而知矣是故惟無愧於神明者為能恤民矧報本反始為禮之善經乎撰祠祀

### 祀典

先師廟在明倫堂前弘治五年知縣陳輔遷建見儒學志碑為廟兩楹

三

為露臺左東廡七間右西廡七間前為戟

門五間櫺星門三石坊又前為泮池池中

駕石橋一洞池前文明坊一坐祭器悉如州制

樂章如州志祭需

啟聖公祠在先師廟左社稷壇在縣治西風

雲雷雨山川壇在縣治西北城隍廟在縣治北

嘉靖二十年知縣宋希文遷建邑厲壇在縣治西北

署縣事崇明知州萬漣遷建旗壽壇在演武場後馬王



廟 在縣治北  
縣衛鼎建

群祀

文昌宮 武安王廟 温公祠 土主廟

東嶽廟 忠公祠 東山土主廟

蕭晏二宮祠

方外志

六合之外聖人存而不論然曇晦當道與尼父  
爭途諸不在六經之科士人之林者多宗之不

歸老則歸釋品教雖殊其發蒙祛惑之功則同  
彼蓋游於方之外者與吾徒亦務修其正而已  
作方外志

仙釋

楊向春 由增廣生員能通先天易理著有皇  
極經世心易發微格物篇諸書行於

世後更名為孔道人  
遨遊武當不知所終

楊洲鶴 由武進士官致永騰參將於  
萬曆年間尸解而去

水目五高僧 縣西南初建水目寺有僧阿漂  
為工匠都養嘗挈筐入市貨乳



醜蔬菜之屬雖二百里外產者一日  
致之其人因其出窺其室中祇見漂閉  
戶默坐置筐坐前有頃其筐自盈見  
者誼於眾漂遂立化漂之先有普濟  
妙達皎圓後有無住開水日戒堂建  
寶華禪林於康熙四年入寂是為水  
目五  
老僧

### 寺觀

#### 智光寺

在縣治城西於嘉靖二十一年兵備  
胡仲謨重修習儀即焉萬曆六十年  
義民楊宗堯復修

#### 九鼎寺

在縣西北二十里許寶泉山周圍九  
峯相聚若拱若揖中一峯尤峻唐時

六四

建寺山巔故名有石洞高廣三十大  
嘉靖十七年僧明寂乃建岑樓五飛  
閣二萬曆七年兵備馬顧澤建春望  
亭一座萬曆十五年兵備馬鳴鑿捐  
銀命縣開拓台基構九峯  
書院一座詩匾全備

#### 寶華寺

一名金龍寺在縣治西北段氏時  
建中有龍潭泉流甘冽可以已疾

#### 般若寺

在治北五里段氏時建有寶燈  
飛入雙塔中夏夜常有光明

#### 水目寺

一名善集寺段時氏楊普濟經始弘  
治二十七年僧明寂智圓成之舊有

白虎窩黃龍木犬之異至今遺有古  
跡尚存傳有貴客至則木犬預吠

#### 五佛寺

在治東龍泉寺在治東五十  
十里許龍洞山虎歸寺



在治北 **文筆塔** 見在學之面山

**上帝觀**

一名佑聖宮在縣南御

**玉皇閣**

在縣北二里隆慶五

**文昌宮**

在南

**報恩寺**

在城東角南角先任

**大乘寺**

於萬曆年

義民楊 **萬佛寺**

在城南五里行僧廣

**地藏寺**

古 **華嚴寺** 古 **寶珠寺**

在縣西北行僧

二年鼎建後僧

**大寺閣**

離一城名鎖水閣

庚申年兵道

**白雲寺**

原白馬廟僧本

**剎寶寺**

古 **萬壽寺**

古 **金燈寺**

新

**祥異**

和致祥乖致異雖氣化攸關實人事之致也箕  
子衍疇五事敬休徵應五事失則咎徵應其斯  
之謂歟然修人事則乖可致祥故致祥異

漢武帝元狩年間

彩雲現於白崖遣使跡之

雲州

東漢章帝初年間

雲南縣有神鹿兩頭



明萬曆元年二月十四日縣西北之隅有彩雲如綺竟日而散

弘治十二年縣地震

弘治十七年縣地嚴霜成凍

嘉靖十年縣地地震

嘉靖十八年大旱減其稅租

隆慶六年縣地崩霖

康熙二十一年五月內彩雲見於西南自初

六日復見城西  
從未至申